

PRIJEDLOG

Na osnovu člana 37. stav 1. tačka f) Ustava Zeničko – dobojskog kantona, člana 67. Zakona o budžetima u Federaciji Bosne i Hercegovine („Službene novine Federacije BiH“, broj: 102/13, 9/14 i 13/14), člana 38., 40. i 41. Zakona o duhu, zaduživanju i garancijama u Federaciji Bosne i Hercegovine („Službene novine Federacije BiH“, broj: 86/07, 24/09 i 44/10) i tačke III. stav 1. Odluke o davanju saglasnosti za zaključivanje ugovora o kreditnom zaduženju kantona u Federaciji Bosne i Hercegovine iz sredstava dodatnog finansiranja po IV Stand by aranžmanu Međunarodnog monetarnog fonda sa Federacijom BiH za 2014. godinu („Službene novine FBiH“, broj: 72/14), Skupština Zeničko-dobojskog kantona, na svojoj _____ sjednici održanoj _____ 2014. godine, usvaja

O D L U K U

o davanju saglasnosti za zaduženje Zeničko-dobojskog kantona i zaključivanje Ugovora o kreditnom zaduženju Zeničko-dobojskog kantona sa Federacijom Bosne i Hercegovine iz sredstava dodatnog finansiranja po osnovu IV Stand by aranžmana sa Međunarodnim monetarnim fondom

Član 1.

(Saglasnost na zaduženje, zaključivanje i potpis ugovora o kreditnom zaduženju)

(1) Daje se saglasnost za zaduženje Zeničko-dobojskog kantona i zaključivanje Ugovora o kreditnom zaduženju Zeničko-dobojskog kantona sa Federacijom Bosne i Hercegovine (u daljem tekstu: Federacija) iz sredstava dodatnog finansiranja po osnovu IV Stand by aranžmana sa Međunarodnim monetarnim fondom u iznosu od 5.655.000,00 KM.

(2) Za potpisivanje Ugovora iz stava (1) ovog člana ovlašćuje se ministar Ministarstva finansija Zeničko-dobojskog kantona.

Član 2.

(Uslovi kreditnog zaduženja)

(1) Kreditna sredstva iz člana 1. ove odluke odobravaju se pod slijedećim uslovima:

- a) iznos glavnice: 5.655.000,00 KM,
- b) period otplate: 5 godina,
- c) grace period: 3 godine,
- d) otplata glavnice: u jednakim kvartalnim ratama,
- e) kamatna stopa: promjenljiva, koju određuje MMF za SDR (trenutno 1,08% na godišnjem nivou).

(2) U svrhu osiguranja urednog izmirenja obaveza po osnovu Ugovora iz člana 1. ove odluke, Zeničko-dobojski kanton je saglasan da se Federacija, u slučaju neispunjenja preuzetih obaveza direktno naplati sa računa javnih prihoda Federacije Bosne i Hercegovine, i to iz dijela prihoda koji pripadaju Zeničko-dobojskom kantonu.

Član 3.

(Realizacija Odluke i izvještavanje)

Za realizaciju ove odluke i izvještavanje zadužuje se Ministarstvo finansija Zeničko-dobojskog kantona.

Član 4.

(Stupanje na snagu Odluke)

Ova Odluka stupa na snagu danom donošenja, a objavit će se u „Službenim novinama Zeničko-dobojskog kantona“.

Broj:
Z e n i c a,

PREDSJEDAVAJUĆI

DOSTAVLJENO:

- 1x Stručna služba Skupštine,
- 1x Stručna služba Vlade
- 1x Ministarstvo finansija,
- 1x „Službene novine Zeničko-dobojskog kantona“
- 1x a/a.

O b r a z l o ž e n j e

I PRAVNI OSNOV:

Pravni osnov za donošenje ove odluke sadržan je u članu 37. stav 1. tačka f) Ustava Zeničko – dobojskog kantona, članu 67. Zakona o budžetima u Federaciji Bosne i Hercegovine („Službene novine Federacije BiH“, broj: 102/13, 9/14 i 13/14), članu 38., 40. i 41. Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 86/07, 24/09 i 44/10) i tački III. stav 1. Odluke o davanju saglasnosti za zaključivanje ugovora o kreditnom zaduženju kantona u Federaciji Bosne i Hercegovine iz sredstava dodatnog finansiranja po IV Stand by aranžmanu Međunarodnog monetarnog fonda sa Federacijom Bosne i Hercegovine za 2014. godinu („Službene novine FBiH“, broj: 72/14).

II RAZLOZI ZA DONOŠENJE

Odredbama člana 24. stav 3. Zakona o izvršavanju Budžeta FBiH („Službene novine FBiH“, broj: 99/13, 31/14, 45/14 i 66/14), propisano je da će se kantonima odobriti prenos sredstava po Ugovoru o prenosu kreditnih sredstava po IV Stand-by aranžmanu MMF-a sa Vladom Federacije Bosne i Hercegovine.

Tačkom III. stav 1. Odluke o davanju saglasnosti za zaključivanje ugovora o kreditnom zaduženju kantona u Federaciji Bosne i Hercegovine iz sredstava dodatnog finansiranja po IV Stand by aranžmanu Međunarodnog monetarnog fonda sa Federacijom Bosne i Hercegovine za 2014. godinu („Službene novine FBiH“, broj: 72/14), propisano je:

„Zadužuje se Federalno ministarstvo finansija – Federalno ministarstvo finansija da, nakon što kantoni dostave **odluke o prihvatanju zaduženja za sredstva iz tačke II. ove odluke, usvojene od strane zakonodavnih tijela kantona**, zaključi odgovarajuće ugovore o kreditnom zaduženju sa kantonima u Federaciji BiH kojim će se u svrhu redovne otplate definirati uslovi povrata sredstava...“

Podsjećamo da je Skupština Zeničko-dobojskog kantona tačkom 1. i 2. Zaključka, broj: 01-14-14270/14 od 15.07.2014. godine, podržala Vladu Kantona u dodatnom kreditnom zaduženju.

III OBRAZLOŽENJE PRAVNIH RJEŠENJA

Članom 67. Zakona o budžetima u Federaciji BiH utvrđeno je da se kanton može zadužiti i izdati garancije u svrhe, na način, pod uvjetima i u obimu propisanom zakonom kojim se uređuje dug, zaduživanje i garancije u Federaciji.

Odredbama člana 38., 40. i 41. Zakona o dugu, zaduživanju i garancijama u Federaciji Bosne i Hercegovine propisana je procedura vanjskog dugoročnog zaduživanja kantona.

Odluka je izrađena u formi prijedloga akta, u skladu sa članom 152. Poslovnika Skupštine Zeničko-dobojskog kantona - Novi prečišćeni tekst („Službene novine Zeničko-dobojskog kantona“, broj: 7/12 i 12/13).

MINISTRICA

Sabina Heljić